

## Transkription von Urkunde SWN 1362a

Ort, Datierung: Schwerin, 1362-02-10

Signatur: Landeshauptarchiv Schwerin, Rep. 1, Grafschaft Schwerin 24, Bl. 31

Inhalt: Alberd (tu Mekelenborgh): Beglaubigung

---

Wy alberd (it cetera) Bekenne(n) Vn(de) don Witlik allen luden , dat her raue(n) barnekow / ridder vse leue truwe heft vor vns vn(de) vor vnnsem rade . Wesen vn(d) heft ghela/ten vn(de) vorlaten der erbare(n) vrowen , vor alleÿde de sines broders Wif was hinr(ik) / Barnekow dem got gnedich sÿ vertich mark geldes lubiscer pen(n)i(n)ghe tũ erme rech/ten lifchedinghe de se alle jar scal vp , neme(n) vt dessen dorpen tũ Sclucow vn(de) / Dargebende . in dem lande tũ gnogen . alle Jarlikes van der ersten bede de dar / valt tũ sũnte michelis daghe . edder wan se valt in dem jare . Vn(de) neme(n) se dar an / beweren scal edder wes vpboren vt der bede . se enhebbe de wertich mark tũ voren / vpgheboret alse vorscreuen is . Vn(de) desse vorben(omeden) vertich m(a)r(k) geldes alz wi se her / rauen barnekow ghesacht hadde(n) . Vn(de) he se van vs hadde . also hebbe wi se . vmb / siner bede willen mid vbort vser eruen vn(de) na rade vser ratgheue(n) . der erbaren . / vrowen . ver alleÿde . vorgenomed ghelegen . tũ erme rechten lifchedinghe . Dat / alle desse vorscreue(n) stücke . stede vn(de) vast scoln bliue(n) . so hebbe wi vnse In=/gesegel henges late(n) vor dessen bref . de gheue is tũ zwerin in sunte scolastice(n) daghe . na godes bort druttienhundert iar In dem twe vn(de) sostigesten iare . thu/ge desser dinch sint her otte van demece . hinrik strale(n)dorp . vicke malteke . otte / van helpete ridde(re) vn(de) ande(re) vele (it cetera) /